



## Universitätsbibliothek Paderborn

### **Acta Ecclesiae Mediolanensis**

Actorvm Ecclesiae Mediolanensis, Pars Tertia - In Qva, Liber Memorialis Ad  
populum Ciuitatis, & Dioecesis Mediolanensis, A Beato Carolo Borromaeo  
Titvli Sanctae Praxedis compositus continetur

**Borromeo, Carlo**

**Brixiae, 1603**

Continuatio primæ sessionis.

**urn:nbn:de:hbz:466:1-10502**

Te Deum. Illustris. Metropolitanus benedixit Synodo, & omnes recesserunt.

Die Martis decimo sexto Octobris  
Anno 1565.

**F**uit continuatio sessionis, prout statutum fuerat. Itaque bene mane Illustris. Metropolitanus cum Patribus accesserunt ad Ecclesiam maiorem, & celebrata fuit ab vno Canonorum Ecclesie Metropolitanæ Missa de Spiritu sancto submissa voce.

Deinde prædictus Illustris. & Patres induti paramentis consuetis residerunt in locis suis, dicta tamen prius per ipsum Illustris. oratione. Adsumus sancte spiritus &c.

Adfuerunt autem omnes Patres, præter duos Cardinales Tranensem & Vercellen. & Reuerendiss. Episcopos Alben. & Brixien.

Cum igitur omnes confedissent, vnus ex Secretarijs accessit ad Illustris. Metropolitanum, a quo mandatum accepit vt legeret omnia decreta Concilij Tridentini super Dogmatibus. Ita confesso Ambone, alta voce dixit. Illustris. & Reuerendiss. Domine, Reuerendissimi Patres. Cum sacra Tridentina Synodus præceperit omnibus Patriarchis, Archiepiscopis, Episcopis, & omnibus, qui de iure vel consuetudine in Prouincialibus Synodis interesse debent, vt in prima Prouin. Synodo post ipsius Trid. Conc. finem celebranda, omnia & singula ab ipsa Synodo statuta & definita palam recipiant; propterea Illustris. & Reuerendiss. D. Carolus Cardinalis Borromeus mandauit, vt omnia Tridentini Concilij decreta legerentur. Decreta igitur, quæ modò a me legentur, sunt illa quæ à sacrosancta Trid. super Dogmatibus fuerunt publicata.

Quibus dictis, omnia decreta & canones vt supra ordine legit: quibus absolutis descendit, & alter Secretarius accessit ad Illustris. Metropolitanum, qui madauit ei vt legeret eodem modo omnia Decreta super reformatione: qui confesso Ambone, dixit: Illustris. & Reuerendiss. Domine, Reuerendiss. Patres, Decreta quæ modò a me legentur, sunt

ea quæ à facta Tridentina Synodo super reformatione fuerunt statuta: & sic ordine cepit ea legere, & peruenit vsque ad sess. xxiiij. Et cum iam hora tarda esset, de mandato Illustris. Metropolitanus dixit: Quia hora tarda est, quæ agenda supersunt, hodie hora vigesima secunda expediuntur. Statim igitur à prandio iterum conueniunt Patres ad Ecclesiam, & acceptis paramentis consuetis, Illustrissimus Metropolitanus dixit orationem. Adsumus sancte Spiritus &c. qua dicta confederunt omnes in locis suis. Secretarius qui mane legerat decreta de reformatione, ascenso Ambone dixit, Illustris. & Reuerendiss. Domine, Reuerendiss. Patres, decreta de reformatione quæ supersunt, nunc a me legentur. legit omnia. Vltimo loco legit Confirmationem Concilij Sanctiss. D. N. iuxta testimonium Cardinalis Farnesij Vicecancellarij.

Quibus peractis Illustris. Metropolitanus deposita mitra genibus flexis ante altare voce intelligibili emisit professionem fidei ex præscripto Concilij Trident. & formula constitutionis Sanctiss. D. N. de verbo ad verbum vtz.

Ego Carolus Cardinalis Borromeus Archiepiscopus Mediolanen. ea omnia & singula, quæ a sacrosancta œcumenica & generali Tridentina Synodo definita & statuta sunt recipio, necnon veram obedientiam summo Romano Pontifici spondeo & profiteor, hæresesque omnes à sacris Canonibus & Generalibus Concilijs, præsertimque ab eadem Synodo damnatas detestor & anathematizo, iuxta formulam præscriptam à Sanctiss. D. N. Pio Quarto Pontif. maximo in Bulla professionis fidei, quæ eiusmodi est: Ego N. firma fide &c.

Ego idem N. spondeo, voueo, ac iuro: sic me Deus adiuuet, & hæc Sanctæ Dei Euangelia. Et hæc dicens, Euangelia ambabus manibus tetigit, & osculatus est.

Qua lecta, Metropolitanus sedit in loco suo cum Mitra pretiosa, & tenens in manibus librum Euangeliorum, primò accessit ad eum Illustris. Cardinalis Vercellen. qui primùm deposita Mitra  
inclinauit

inclinavit se, & deinde flexis genibus ante Illustriss. Metropolitanum eandem professionem emisit, legens de verbo ad verbum vsupra eadem ratione. Sic me Deus; & surgens iterum inclinavit se resumpta Mitra, abiitque ad locum suum. Post ipsum accessit Reuerendiss. Albenfis, & cum eo reliqui Patres, qui omnes genuflexerunt capite aperto. Albenfis autem antiquior suffraganeus, cæteris audientibus legit totam prædictam professionem modo prædicto; quæ cæteri non legerunt, sed vt citius negotium transigeretur, dixerunt hæc Verba, accedentes singuli ordine suarum promotionum, & osculantes Euangelia cum inclinationibus vsupra. Verba autem fuerunt ista.

Ego N. Episcopus N. ea omnia & singula quæ à Sacrosancta œcumenica & generali Tridentina Synodo definita & statuta sunt recipio, necnon veram obedientiam Summo Romano Pont. spondeo & profiteor; hæresesq; omnes à sacris Canonibus, & generalibus Concilijs, præsertimq; ab eadem Tridentina Synodo damnatas detestor & anathematizo; fidemq; profiteor iuxta formulam præscriptam à Sanctissimo D. N. Pio Quarto Pont. max. in Constitutione sua, quam nunc legit Illustriss. & Reuerendiss. Dominus Metropolitanus noster, & Reuerendiss. Pater Dominus Episcopus Albenfis: & ita ego recipio, spondeo, profiteor, anathematizo, voueo, ac iuro: sic me Deus adiuet & hæc sancta Dei Mysteria Evangelica.

His ita gestis, Vnus ex Secretarijs legit Decretum sequentis sessionis videlicet.

Illustriss. & Reuerendiss. Domini, Reuerendissimiq; Patres. Placet ne vobis, vt proxima sessio habeatur ac celebretur feria quinta, quæ erit ad diem xxv. præsentis mensis: Ita tamen, vt dictus terminus in Congregatione Generali contrahi, & prorogari liberè possit, sicuti rebus Concilij conducere videbitur? Secretarius cum Notarijs accesserunt ad vota colligenda, & Responderunt omnes, Placet. & gratia acta sunt vsupra. Tum Illustrissimus Metropolitanus surgens nihil dicens benedixit

Populo. In hac die non adfuit D. Tranenfis, cæteri omnes adfuerunt.

Prima Congregatio publica.

Die xix. Octobris supra scripti anni 1565. fuit Congregatio publica in loco ad id constituto in Palatio Archiepiscopali. Et quoniam inter Patres maximè in priuata Congregatione disputatum fuerat, an Procuratores Episcoporum absentium essent admittendi ad tractatus in Generalibus Congregationibus, quando id inre constitutum non erat, cum Procuratores huiusmodi votum non habeant, neque consultum; sed tamen mittantur excusandi causa, & vt ea recipiant, quæ à Synodo statuta fuerint; omnes Patres in eam sententiam venerunt, vt deberent admitti. nè tamè hoc sibi aliquando tanquam debitum vsurparent, deliberatum est, vt ante Congregationem fieret Decretum, Procuratores Episcoporum absentium ex gratia & sine votis admitti. Itaque Patres eum essent in ipsa aula, in qua publicæ Congregationes habentur, antequam sedissent, vocati ab Illustriss. Metropolitanus, vna omnes Patres secretò Notarijs præsentibus decretum quod supra dictum est statuerunt. Tum omnes oratione prius à Metropolitanus perlecta. Adsumus sancte Spiritus &c. suis in locis confederunt; Itemq; Procuratores Episcoporum, & Capitulum, & alij quamplurimi, etenim omnibus patebat aditus. Cumq; paulum quiescissent omnes, accessit ad Illustriss. Metropolitanum Procurator Capituli Albenfis, eiq; suum mandatum obtulit, & excusauit Capitulum suum, quod vnum tantum Procuratorem misisset propter necessitatem & penuriam Sacerdotum; tum etiam tarditatem excusauit aduentus sui: hæc omnia submissa voce. Illustriss. Metropolitanus benignè illum excepit, dixitque satis eum in tempore aduenisse; De sui autem mandati auctoritate Reuerendiss. Deputatos cognituros; Ipsumq; mandatum Notarijs tradidit. Cum ille suo loco confedisset, Secretarius dixit: Reuerendi Domini, si quis vestrum est qui aliquid ad sanctam Syno-

Syno-